

*Dionis Bubani*



# PA DOREZA

POEZI SATIRIKE



8JH-7  
1388

DIONIS BUBANI

# PA DOREZA...

---

*poezi satirike*



SHTËPIA BOTUESE «NAIM FRASHËRI»

# 1. Na falni për këto mungesa...

## PËRGJIGJE E LEHTË

Ju ha merakun shpesh  
të merrni vesh  
gjithmonë  
se ç'na mungon...

... Një tok mungesash, që i dimë mirë:  
nuk kemi taksa, errësirë  
dhe as malarje e analfabetë,  
as ngritje çmimesh...  
Jemi fort të qetë:  
nuk kemi narkotikë dhe gangsterë  
dhe kjo mungesë do të ndihet kurdoherë...

Vazhdimi i përgjigjes mjaft i lehtë:  
nuk kemi as diplomaci të fshehtë,  
na falni për këtë mungesë,  
në dëshpërimin tuaj s'marrim pjesë,  
kështu do të vazhdojmë tërë jetën  
ta themi hapur të vërtetën...

Mjerisht, nuk do t'jua bëjmë qejfin kurrë,  
t'i mbani me shëndet ata dyzet flamurë,  
s'i njohim ne hipokrizitë,  
nuk do t'i shkojmë kurrë hasmit për vizitë...

Dhe mbani mend diçka me shumë vlerë:  
për ne e zeza s'është e kuqe asnjëherë!

## RRETH «IZOLIMIT»

Lotë krokodili derdhka  
Moska edhe Uashingtoni,  
singerisht u digjet shpretka:  
— Oh, ju mos u izoloni!

«Izolim!», sepse përherë  
Shqipëria korr fitore,  
di të mbrohet kurdoherë  
nga komplotet djallëzore...

Izolim kundrejt çdo helmi  
që po bredh lirisht në botë  
e tradhtive u vë shqelmin,  
që armiqtë të derdhin lotë!



## RRITUR NDËR RREBESHE

Rritur ndër rrebeshe  
Shqipëri kreshnike,  
për disa ti ishe  
«shprehje gjeografike».

Se ç't'i shqyen hartat,  
ujqit e çakejtë,  
kur t'i ndanin fushat,  
malet dhe lumenjtë...

Maska diplomate,  
plane kuptimplote,  
lidhën dhe traktate,  
bënë dhe komplete.

Helmi i ligësisë  
sipër me ca mjaltë,  
edhe historisë  
i hidhnin pak baltë,

por për ty mendonin  
çdo ditë, çdo muaj,  
kur me vrap postonin  
ndonjë princ të huaj...

Kur sulmuan «miqtë»,  
ua tregove vendin,  
qysh me pendëzinjtë  
ti e ndez kuvendin:

S'e harron asnjeri  
shqipen si i shporri,  
banjën që u bëri  
në mes të qershorit...

Në të zezë ngjyer,  
me sëpatë liktori  
e me kryq të thyer,  
lumi prap' i mori...

Kush ty të cenoi,  
s'e pati të gjatë,  
dallga i mbuloi  
mbretër dhe xhelatë...

Ti e qetë në shqotë,  
ballin lart mes vitesh,  
hapin tënd një botë  
e shikon tek ngjitesh!

## VAJTIM NË LARGËSI

Shqipëri, ti qenke  
tokë e ashpër shumë,  
malli seç na zënka,  
shpesh na del në gjumë...

Kurrë s'na besove,  
«kemi këmbë të mbarë»;  
ti nuk na lejove  
që të hyjmë as zvarrë...

Ç'fat katran me bojë,  
larg na mban, të shkretën,  
dhe me gisht në gojë  
na le tërë jetën.

...Plumba Shqipërie...  
Ujë na bëhet gjaku,  
dhe sot sikur shtie  
Mujo Ulqinaku!

I kujtojmë plumbat,  
«pritje» për Viktorin,  
që, për pak, e lanë  
kruspull perëndorin...

Ne nuk i harrojmë  
sulmet dhe armatën  
që nëntorin sollën  
dhe për ne... mandatën!

Gur pa lojtur s'lamë,  
patëm shumë shpresa,  
se ti kishe plagë,  
kishe mjaft mungesa...

Ah, proletariati,  
diktaturë vuri,  
ndryshe ishim gati  
të lëvonte druri...

S'futëm këmbë brenda,  
nuk na eci fati:  
Mukja dhe Saranda  
e më pas Berati...

Shpresa ende patëm,  
por ç'e do, votimet...  
Prapë u rropatëm:  
erdhën shtetëzimet.

Dëm s'ërisht na vanë  
shpresat për rrëzimin,  
humbëm krejt davanë:  
hoqe shfrytëzimin...



Për ty s'u kursyen  
tërë agjenturat,  
por ti s'na kuptove,  
na përzure burrat...

E na sjell vërdallë  
festen e fiqirin,  
se e zë të gjallë  
kë të shkel kufirin...

«Ndhma» ne si lumë,  
se jemi bujarë,  
japim rubla shumë,  
jo më pak dollarë.

Por ti, kokëshkreta,  
nuk pranon huara,  
me forcat e veta  
don të shkosh përpara...

Qejfin ne të ngratëve  
s'na e bëre kurrë,  
ah, kjo pritje e gjatë  
qenka një torturë...

Ti nuk paske frikë  
e s'pyet për pakte,  
paske një logjikë  
që mbërthen me fakte.

Pritëm kot, me shpresë  
të na shkonte mbarë,  
por asnjë harresë  
dhe asnjë e çarë...

Ah, mjerisht, në mote  
fati nuk na ndriti,  
kjo kështjella jote  
qenka prej graniti!

Dhe na nxjerr avaze  
që duken furtunë,  
se ke prova taze  
që na prishin punë...

Si shkëmb Shqipërie  
qenke kokëfortë,  
djeg edhe në hije  
dhe na mbyll çdo portë...

Shkuan mbushur rreshje  
vitë mbi dyzetë,  
pa një buzëqeshje,  
mbetur si të shkretë...

Nuk na kap gjë çarku  
as me grusht e puçe,  
ne na digjet barku,  
ti qëndron e kuqe!

## KUJDES MBRETËROR...

*Mesatarja e jetës në vendin tonë u  
ngrit në 70 vjet. Para Çlirimit ishte  
vetëm 38 vjet.*

Kam mbushur sot 38 vjet,  
dëgjoj urime shpesh: «Jetë të gjatë!»,  
jam mirë me humor e me shëndet  
dhe vdekjen s'e mendoj as në mesnatë...

Por ndërsa rri i lumtur, në haré,  
padashur, m'u kujtua kohë e shkuar...  
Dikur kjo mosha ime e re  
s'ishte një mesatare e gëzuar...

Mesatarisht atëherë, si njeri  
duhej t'i thoshe jetës lamtumirë...  
Por sot ndiej se jam ende fort i ri,  
se kam përpara moshën më të mirë...

Njeriu duhej që të plakej shpejt,  
se ishte fort i rreptë ligji i shtetit:  
vetëm 38 vjet dhe drejt  
në varr: dhurata e Legalitetit...

Nuk ke ç'i bën kujdesit plot farmak,  
për mirësi ata ishin të thekur:  
që njerëzit të vuanin më pak,  
u zgjidhnin hallet vetëm duke i vdekur...

## PËRGJIGJJA E ISH-ÇIRAKUT

Një bej, dikur i majmë, fuqiptot,  
kur e kuptoi se ditë më të mira  
nuk do t'i vinin më as sot, as mot,  
na doli që të shesë vogëlsira.

Një bejlereshë, sorrë në pranverë,  
po nga ky soj, bulmet nga ai stan,  
në tezgë erdh' te miku për të blerë  
dy lugë bojë leshi për fustan...

— Nuk zuri, doli boja, efendi, —  
u kthye plaka duke iu rrudhur goja.  
Një ish-çirak që u ndodh, i tha: — E di,  
krejt sojit tuaj i ka dalë boja...

## QANI, O MERHUMË...

Shakull Esad pasha,  
qani, o merhumë,  
se vriste të trasha  
për vatanin shumë...

Shiti këtë tokë,  
plumb shpërblim i dhanë,  
për ju linte kokën,  
qani, o tiranë!

Vajmedet, ç'ju gjeti;  
biri i tradhëtisë  
porsi qeni mbeti,  
ngordhi larg shtëpisë!

Lotët derdhni lumë  
me javë, me muaj...  
Kur ta qani shumë,  
qani veten tuaj...

## LUTJA E BALLISTËVE

Dy ballistë plasën pula duke ngrënë,  
lajmi porsì bombë kokës u ka rënë.

Të hutuar mbetën, shtang, me gojën plot,  
miqtë e Musolinit s'i shpëtojnë dot.

Por nazistët, ndoshta, më të fortë janë:  
— Po na dridhen këmbët, ejani, gjermanë!

Ne me plot merita, jemi burra shteti,  
do një shtab dhe Balli, dhe Legaliteti.

Mbrona, o Gestapo, fundi u afrua,  
na streho ca shtabin në zyrat e tua...



## ZANATI...

— Me kontrabandë merret «madhëria»,<sup>1</sup>  
s'u ngop sa ishte mbret në Shqipëri,  
blen e shet armë t'i shtohet pasuria,  
zanatin e ushtroka përsëri...

— Mos u habit aspak se, pa dyshim,  
kur mbreti rri si mumje, ndien torturë...  
Matrapazllëqe bën dhe në mërgim,  
zanati i vjetër nuk harrohet kurrë...

Dikur ka shitur tërë Shqipërinë,  
dhe u nxitua për pazarin shpejt...  
Pastaj syrgjyn sërish vazhdoi tregtinë,  
të mundte, shiste dhe planetin krejt!

---

1) Zogolli qëndroi në pallatin e mbretit Faruk deri në vitin 1952, kur u dëbua edhe Faruku nga Egjipti.

## DHURATA E PAPËS...

*Kambana e kishës së Komanit, pranë vendit ku ngrihet sot hidrocentrali, ishte dërguar si dhuratë nga papa.*

Arriti kambana në kishë,  
nga papa u erdhi dhuratë.  
Kasollet tymosnin me pishë  
dhe Komani hante uratë...

Uri dhe kudo errësirë  
n'acar dhe në piskun e vapës,  
malësorët i zgjonte pa gdhirë  
dhurata e shenjtë e papës!

Legjenda e misrit në lugje  
po bridhte me jetën e mjerë,  
kambana i ftonte me lutje  
dhe frikë të rronin përherë...

Nga dora e papës kushtrimi  
skaliqur më frymë qiellore,  
në vatra uria, mjerimi  
nën tinguj gjëmimesh hyjnore...

Një papë për ta kish menduar,  
(kujdesej për shpirtrat, bujari,  
i ndiqte din-don pa pushuar  
prej djepit dhe gjer përtej varrit...

Por heshti kambana një ditë,  
me baltë u mbulua dhurata.  
Dhe Drini i lirë jep dritë,  
si ditë na duket dhe nata!

Il. Masa operative

KONTROLLI I CANTIEREVE

U kthye shpesh revizion  
me qantë si top futboll  
mbas vëzhgimit parësor  
në javë për kontrollim.

Qëndron në qantë i bërë qull  
në pinte të të kura,  
por një ngjarje dhe një wall,  
le conta u lëshua...



## II. Masa operative

### KONTROLLI I ÇANTËS...

U kthye shoku revizor  
me çantë si top futblli,  
mbaroi vëzhgimin parimor,  
një javë plot kontrolli...

Qëndroi një çast i bërë qull  
të pinte ujë në krua,  
por një zagar u duk me vrull,  
te çanta u lëshua...



E bëri çantën për ibret,  
e shqeu, i tërbuar,  
me dhëmbë nxori një gjeldet  
të rrjepur, të pastruar...

U bë si dyllë në fytyrë,  
por gjaku shpejt i shkriu  
dhe tha me vete: «Hej, shyqyr,  
rakinë nuk ma piu!»

## POROSI EPRORE...

— Kam të lashe dhe po ngutem  
veç të them: kjo punë do bërë...

— Më trego dhe qysh, të lutem,  
ta kuptojmë gjatë e gjerë...

— Shumë po kërkon nga unë,  
ndonëse jam shef vërtet...

(Po ta dija këtë punë,  
do ta përfundoja vetë...)



## «MË» DHE «NA»...

Një vit më parë:

— Urime, mora vesh se ju shkon mbarë!

— Ndërmarrja jonë doli e dalluar,

më kanë lavdëruar...

Bisedën këto ditë prapë e hapa:

— Ç'dëgjova? Keni mbetur shumë prapa!

— Po, pëshpëritjet janë të vërteta,

na kritikuan për disa të meta...

— Po më pëlqen metoda ideale,

qenka me shumë vlerë,

se lavdërimet janë personale,

kritikat kolektive kurdoherë...



## NJË KOLEKSION I PADËSHIRUAR...

Dikush mban koleksion pikturash,  
një tjetër pullash, llullash e gravurash.  
Ka koleksione me revista dhe gazeta,  
disa koleksionojnë edhe paketa...

Dhe lista mjaft e gjatë mund të jetë,  
se shumë koleksione ka në jetë...

Ja, një ndërmarrje del me pretendime  
se ka një koleksion me plot vendime...  
Sa dalin, i zë gjumi ndër sirtare,  
se janë marrë pa u peshuar fare...

## FORMALISTI

Nisi shiu pa pushuar,  
bie shi sa për një vit,  
por ai, hiç pa pushuar,  
tetë hektarë po vadit...

Bie shi, po s'tundet miku.  
— Ej, ç'po bën, nuk e kuptoj...  
— Ke të drejtë, por grafikun  
gjer në fund e respektoj...



## ... TEORIKISHT

I qëndron besnik parimit:

«Nga gabimi nxjerr mësim».

Të mësojë prej gabimit

bën përpjekje, pa dyshim...

Mban në xhep autokritikën,

por gjithmonë qëndron në bisht:

«Thellësisht e ndiej kritikën,

reflekttoj teorikisht!»

Kur gabon nxjerr përfundimin

mos gabojë si këtë herë...

Gjersa nuk i sjell pësimin,

çdo gabim paska një vlerë...

## ME FAL, TË LUTEM...

Kur ta prura shpikjen, pe se ishte e mirë,  
katër vite punë unë për të kam shkrirë,  
por ti ngrite supet porsi babaxhani,  
më the:


— Shpikjen tënde s'e përmbaka plani!

Të më falësh shumë, sa gabim ndaj teje,  
qysh paskam guxuar që të shpik pa leje...  
Kam harxhuar kohë, bëj autokritikë,  
se ty nuk të pyeta që t'i vije pikë...

E kam shkelur fare dhe të kërkoj ndjesë,  
duhej të vendosje ti për ndonjë shtesë,  
ndoshta ke të drejtë, s'ka kuptim kjo punë,  
një mendim prej teje të mos lypja unë?!

Ndoshta me vonesë sot si asnjëherë  
e kuptoj se shpikja ime s'paska vlerë,  
ja, padashur unë rezultoj fajtor  
si s'të paskam bërë... bashkëautor?!





## CILËSI

Ja, mbaroi dhe suvatimi,  
s'pritet veçse përurimi,  
por, çudi, si bre, lum daja,  
kishte mbetur jashtë kaldaja?

Për ta futur s'lodhesh fare,  
veç të prishësh dy dritare,  
hap ca vrima nëpër mure  
dhe kaldajën shpejt e vure...

Hapen zgavrat për kaldajë  
si një gojë që do hajë,  
përmbi planin mijëra lekë,  
nëse xhepi s'do t'u djegë...

## NJË PLAN VEPRIMTARISH

Dyzet pika plani i zbukuruar,  
viza,  
korniza,  
lulka i rrethuar...

Dhe vetëm katër janë realizuar:  
një ekspozitë (e vitit të kaluar),  
një recension (pjesëmarrës gjashtë vetë)  
një ekskursion (dy çape, mjaft i qetë...)  
dhe një bisedë fort origjinale:  
«Si ta luftojmë punën formale!»

## MASA OPERATIVE...

E kuptoi drejt kritikën,  
e ndihmoi në veënd, pa masë,  
mbi zotimin vuri pikën  
se ashtu më s'do të ngjasë...

Ja, sivjet nisi më mbarë,  
pra, ju lutem, mos e shani,  
masa plot na paska marrë,  
se i hoqi krejt nga plani...

Le të ngrihet kush të dojë,  
se tani nuk ke ç'i thua,  
cili mund ta kritikojë  
plani pse s'u realizua?

## EUFORIKU

Me fjalë ai kodrën e bën mal,  
sikur ka hipur në një pedestal:

— Suksesi ynë këdo bind,  
jemi më mirë se vjet,  
nga gjashtëdhjetë për qind  
ne shkuam shtatëdhjetë...

### III. Tipa dhe karaktere

#### NJË VARTËS I GUXIMSHËM...

Po pret me padurim  
ta heqin shefin Përparim...  
Oh, veç ta heqin, pastaj e di vetë  
qysh do t'i numërojë çdo të metë...

Por shefi Përparim, kryepërpjetë,  
çuditërisht, qëndron i qetë...  
«Trimi» po hesht, mbledh fakte përsëri  
dhe shefit i buzëqesh me dashuri:

«Po mbeti, duhet ison prapë t'i mbaj,  
po ra nga fiku, e dërrmoj pastaj!»

## SHPËRBLIM

Nuk po them diçka të re  
se pas punës ka shpërblime,  
por, ju lutem, vini re,  
ka çdo rregull përjashtime...

Prandaj një zyrtar kaposh  
kurrë s'e harron parimin:  
po guxove ta qortosh,  
shumë shpejt ta jep shpërblimin...

DO TË PIQET KUR TË RREDITET...

Djali s'lë dy gurë bashkë,  
babi thotë: «Shkuan vitet!»  
mami thotë: «Prit dhe pak,  
do të piqet kur të rritet!»

Djali mbushi dymbëdhjetë,  
por familja nuk mërzhitet,  
ai lagjen s'lë të qetë...  
— Do të piqet kur të rritet!



Mbushi sot plot njëzet vjet,  
rritet djali, shkojnë vitet...  
E njeh mirë një qytet:  
— Do të piqet kur të rritet!

Dhe ashtu kaluan vitet  
plot me shpresa, dhembshurie:  
— Do të piqet kur të rritet!

... Por, ç'e do, u poq në hije!






## FILOZOFIA E SERVILIT...

Të jesh servil, nuk bën ndonjë mëkat,  
në radhë të parë, nuk je arrogant...  
Eprorin e ndihmoj me çdo mënyrë  
t'ia lehtësoj ca lodhjen në detyrë...

Fjala «servil» rrjedh nga një fjalë e vjetër,  
të jesh sot shërbëtor ka kuptim tjetër.  
Shërbej me zell edhe pishman nuk mbetem,  
sepse do vjel ca fryte dhe për veten...



## ME KËTO FJALË QË PO FLET...

— Më kritikon? Guxim ke marrë,  
a je sylesh apo i marrë?  
Kur gojën hap, më hap ca punë;  
harroke kush jam unë?  
Një personalitet i rrallë  
që, po të dua, ty të sjell vërdallë,  
një personalitet i fortë  
që të përplas sot në turinj çdo portë,  
një personalitet i shquar  
që ta bën gjëmën pa kuptuar...

— Po, e di mirë çfarë je,  
e thashë fjalën time dje,  
edhe me fjalët që sot flet  
ti je një perso — nulitet...



## FJALËSHUMI...

- Ju heshtni kur flas unë... Përse vallë  
s'e hapni gojën, s'bëheni të gjallë?  
— Sepse një fill po kape ti, bre burrë,  
e tjerr edhe nuk di të heshtësh kurrë...

## DJALI I MAMASË

Sipër tavolinës  
gjalpi, kaçkavalli,  
mjalti, uji i Glinës;  
është lodhur djali.  
Djali lodhet shumë,  
fjalë të vërteta,  
lodhet se bën gjumë,  
pi mbi dy paketa...

Të vështron në heshtje  
nëna mallëngjyer,  
ulur pranë teje  
bukën duke ngjyer.  
Ty s'të nxe xhaketa,  
as porta e kalasë,  
por për të ke mbetur  
djali i mamasë...

Punën e fillove  
te portë e shtëpisë,  
shpejt ti e harrove  
vrullin e rinisë.  
Shokët në kantiere  
derdhin djersë pa masë,  
nuk zbrazin tenxhere  
si ti pranë mamasë...

## «TË MË SHIKONI NË LUFTË!»

Del në qitje shpesh i fundit,  
merr nishan, por, zakonisht,  
tej tabelës i shkon plumbi,  
vret laraska gabimisht.

Kur i thua: «S'je në rregull,»  
«Po, — të thotë, — ke të drejtë,  
veç të më shikosh në luftë,  
do shfaros armiqtë krejt!»

Ti i thua: «Ja armiku!  
Mbroh shpejt së të qëllon!»  
«Je në vetë, — ta pret miku, —  
ai është shoku Gjon!»

...S'përdorë miv...

## KUR DEL PIJA..

Simpatik pa masë dukej ai djalë,  
shakaxhi, i çiltër, plot lezet çdo fjalë...  
Shokët i qeraste vazhdimisht në punë,  
gjente plot sebepe: — Po paguaj unë,  
se jam i gëzuar, njoha sot një çupë,  
ndaj jam kaq i lumtur, haj të pimë një kupë...

Po një ditë tjetër pse gëzohej, vallë?  
— Oh, sot jam liruar, nxora një dhëmballë...  
Dhe qerasja njihte vetëm të përpjetën;  
e uronin shokun, e gëzonin jetën...  
Lekët i buronin pors i ujë mali,  
por qeflinjtë s'pyesnin ku i gjente djali...

Një mëngjes kuptuan tërë marifetin:  
miku ag «shpirtmirë» paskësh vjedhur shtetin...  
— Si nuk e nuhatëm hajnin e mallkuar?  
Le po paskësh vite, vidhte me dy duar...

Qyl kur paske pirë, syri nuk sheh mirë  
e, kur të del pija, kthesa vjen vështirë...



## RAPORT PËR DASMË

- Qenke i mërzitur...
- Po, besa, jam shumë.
- Dukesh i kapitur.
- S'kam oreks, nas gjumë...  
Dhe te mjeku shkova,  
por raport s'peshkova...

- Shyqyr, qenke mirë,  
ku ka si shëndeti?
- Kot paskam dërsirë,  
vajmedet, ç'më gjeti.  
Ja, prandaj jam tretur  
dhe më kap mërzia:  
pa raport kam mbetur  
dhe... më pret gostia!



## NË KRYE TË DETYRËS

Në zyrë hyn çdo ditë fiks më shtatë,  
se është i përpiktë kurdoherë.  
Bisedën rreth orarit mund ta zgjatë  
një orë plot, se koha ka aq vlerë...

Në orën tetë nis ai debatin,  
bën për çdo gol së paku dy komente, —  
s'ka faj, nuk mund të ecë kampionati  
pa shfaqur ca mendime kompetente...

Aty nga nënta, ndoshta gjer më dhjetë,  
tjerr llafe për divorce dhe martesë,  
pastaj një orë tjetër ha i qetë,  
se merr fuqi të bëjë nja dy shkresa...

Më njëmbëdhjetë zërin ngre: «Dëgjoni?»,  
me rrethet flet, merakë keq e treti:  
zgjidh halle personale telefoni  
dhe nuk prish punë se paguan shteti...

Tani të shkelë në terren i mbetet,  
e ka në gjak operativitetin:  
gjen ndonjë mik të ngeshëm pors i veten  
dhe mezes seç ia ndiejnë tok lezetin...

Kur ora dy afron, vjen i kapitur,  
i lodhur kokën ul, dremit qyqari,  
kur ja, një dorë e fortë e shkund papritur:  
— Ngrehu, se mjaft punove jashtë orarit!

## «TIFÓZI»

Ja, skuadra iku tutje dhe ti nga pas e ndjek,  
në xhep shkon me raportin që ta dhuron një  
mjek...

«Sëmuresh» para ndëshjes, nuk je pa disiplinë,  
se nuk mungon pa leje, adresën mirë ta diñe...

Tifoz fort i sëmurë me ethe rri, rënkon,  
nga shkallët e stadiumit shpesh llogari kërkon.

Po humbi skuadra e zemrës, ti gjuhën s'e  
përmban,  
nuk lë njeri pa sharë, po veten pse s'e shan?

## PYETJE NJË TË PAAFTI

- Ka të paaftë në ndërmarrjen tuaj?
- Asnjë, për besë, ecim bash me shkencë, bëjmë përpjekje për çdo muaj dhe unë mund t'ju flas me kompetencë...
- Ti ku punon?
- Për mrekulli!
- Në cilin seksion?
- Në llogari...
- Sa shkollë ke?
- Kam ca dhe... do ta tund!
- Me fakultet a vetëm me maturë?
- Tetëvjeçares dhe i dhashë fund, përpiqem për kulturë...



## IV. Dhjetë dhe katër

### NJË DASMË E PAHARRUAR...

Burrë e grua pranë bisedojnë shtruar,  
do të bëjnë dasmë si s'është dëgjuar,  
se martojnë djalin, oh, djalin e parë,  
të ndizet ahengu si nuk është parë...  
Dhe pa humber kohë, se askujt s'i pritët,  
po hartojnë listat se kush do thërritet...



Soj e sorollopi, miq, komshinj të tërë,  
afro treqind veta gjer tani janë bërë,  
por nuk u mbyll lista, vënë sa më shumë,  
lagjja le të rrië plot një jayë pa gjumë...  
Ja, për shembull, shtojnë edhe xha Trifonin,  
meqë në një ditë e marrin pensionin,  
thërrasin dhe Maqon, të nderohet shoku,  
kanë udhëtuar vjet në tren së toku...

Oh, sa qenkan mbledhur, dyndet korridorit,  
presin dhe në shkallë, edhe tek oborri.  
Erdhën me dhurata, hyjnë plot me bujë,  
por kë të sajdisësh në aheng-rrëmujë?  
Po kërcet daullja, ngjirët klarineta,  
dhe shtrëngohen miqtë rreth katërqind veta...  
Ca mbetën në këmbë dhe po ikin fare,  
vend nuk ka të ulen, veçse në dritare.  
Zien fizarmonika, qan me lot violina,  
po ku të kërcejnë? Veç mbi tavolina!

Mezet seç u ftohën dhe u derdh rakia,  
mbetën pa shijuar... dasmën njerëzia,  
se mungon përvoja, është dasmë e parë;  
për dhuratat lypset një aneks t'i marrë...

## DHJETË DHE KATËR

— C'po ndodh kështu, or tungjatjeta?

Këtu, patjetër, paska ngatërresa:

maturën e mori me dhjeta,

në fakultet me katra dhe me pesa?

— Me sa marr vesh dhe, me sa thonë,

ndër qarqet familjare,

miqtë e babait prej qytetit tonë

në universitet mungojnë fare...

## KUR NJOHJA ËSHTE «RRUFE» ..

Treni u nis nga Gur i Kuq,  
përtej lundrojnë retë, —  
ata të dy, veshetrohen shpesh,  
biseda rrjedh e qetë...  
Ajo leshverdhë, ai zeshkan,  
ajo me sy si deti,  
ai me trupin si asllan  
dhe ndizet muhabeti...

Liqeni djathtas, majtas mal,  
mes tyre rruga zgjatet  
si kjo bisedë që nuk ndal  
se zemra hap kanatet...



Tuneli i gjatë i bashkon  
në gjysmëerrësirë,  
asgjë në Prrenjas nuk i ndan,  
u bënë miq të mirë...

Në Qukës nuk shkëputen dot,  
ky tren i ka bashkuar,  
pastaj Librazhdi dhe më ngrohtë  
i pret si të fejuar...  
Në Elbasan më fort shpërthen  
kjo dashuri pa hile,  
do të martoheshin në tren,  
të kish gjendje civile...

Por ja ky udhëtim vazhdon:  
afrohet Rrogozhina  
dhe djali vajzës i kupton  
ca cene, mbeturina...  
Ajo i hodhi një vështrim  
një flokëkaçurreli:  
— Këtu nuk bëj asnjë lëshim!  
Besnikërinë shkeli...

Nuk flasin fare, sa mërzi,  
ç'hendek midis, papritur...  
Ajo e heshtur dhe ai  
me sy të çakërritur...  
Kavaja mbetet pas tani  
vjen Durrësi dhe deti.  
U zbeh në çast kjo dashuri,  
u pre dhe muhabeti...



Ja, në Tiranë treni hyn  
dhe ndarja është e plotë.  
Përrallë është tregimi ynë,  
veç të vërtetën thotë...



...ab...  
...ab...  
...ab...  
...ab...

...ab...  
...ab...  
...ab...  
...ab...

## NENET E RREGULLORES SHTEPIAKE

Kur në skenë dilte dhe këndonte shtruar,  
sallën ngrinte peshë vajza e talentuar,  
sot bilbili, vallë, pse s'dëgjohet fare,  
pse rri e menduar vajza në dritare?

Mos u tret papritur zjarri i rinisë?  
Qenka bërë nuse, tjetër këngë do nisë...  
I mësoi dhe fjalët edhe melodinë,  
tani bëka prova brenda në kuzhinë...

U martua vajza? Meloditë u prenë,  
saka lezet të ngjitet përsëri në skenë,  
se shtëpi e burrit nxjerr një rregullore,  
që nuk mund të lihet kuirsesi pas dore...


Ndaj u shuan tingujt, ndaj u pre dhe gazi,  
mjaft këndoi një herë, sot ndryshoi avazi:  
të mos kapërcejë pragun e shtëpisë,  
le t'i ndjekë vjehrra mbledhjet e rinisë...

Të mos grinden kurrë dhe rehat të jenë,  
burri të këndojë n'vend të saj në skenë...

URIME ...


— E martove vajzën, të të trashëgohet, or  
edhe shoqëria s'mund të mos gëzohet,  
se je shpirt njeriut, për këdo je shkrirë,  
lum si ne, të kemi mikun më të mirë...

Ndaj u dynd dynjaja, pate mjaft vizita,  
natyrisht, i fundit radhën nuk e prita,  
ta prura sahatin larë ujë floriri,  
se nga tërë miqtë ti je më i miri...



Si mund të mos isha mirënjohës unë?  
Ti më freskon ballin, më mbaron çdo punë...  
Ke për ta festuar pesëdhjetëvjetorin,  
meriton me ngjyra ti televizorin...

Ne të duam shumë dhe e di një botë,  
dëgjo zemrën tonë, xheç do të të thotë:  
«Ki kujdes, të keqen, mos e tret zotimin,  
djali ynë me shtata do të drejtë studimi...»



## NUK JE SUPERSTICIOZ...

E di, nuk je supersticioz,  
s'të bën përshtypje asgjë, për besë,  
por si një tip tepër studioz  
lexon edhe filxhanin e kafesë...

## NDËRHËRJETE ORIGJINALE

Kur po afroheshin provimet,  
vërshonin miq poshtë e përjetë  
dhe shtoheshin përherë pretendimet,  
secili, me çdo kusht, kërkonte dhjetë...

Ndërhyrjet s'kishin të mbaruar,  
në mes të vapës më kishin mërzitur,  
por njëriën s'kam për ta harruar,  
në tru më mbeti e skalitur:

— Ka mundësi që të më bësh një nder?  
Filanin të ma lësh në klasë,  
rrëzoje edhe po diti, se bëmë sherr...  
Ty mirënjohës do të t'jem pa masë!

## NUK E PASHË NUSEN...

— Që kur u martuat  
gjashtë muaj shkuan...

Ku i patë sytë?

Pse e ndave gruan?

— Ti më shan, si duket,

s'di ku që belaja:

nuk e pashë nusen,

e mbulonte paja!

...  
...  
...  
...  
...

## FRYMËZIMI I NJË TË «PAEMRI»

Talenti fluturon, nuk e mban dot,  
si zog shpërtheqa tutje në hapësirë.  
Ai një-çast nuk mund të rrijë kot,  
pa vrrarë mendjen, letra varg pa nxirë...

Po shkruan, shuan, shkruan me pasion,  
duke i ndezur tërë bateritë.  
I zhytur në ekstazë ëndërron  
se ç'bujë mund të bëjë ai një ditë...

Po çfarë thurka? Drama, poezi  
me tema kardinale a intime?  
Oh, jo, i kredhur, zverdhur në vetmi,  
po shkruan vetëm... letra anonime...



## KUR FLET ZEMRA...

Suksesi i kolegut në fillim,  
e turbulloi, por duhej ta uronte,  
ndaj i dha vetes pak guxim  
që duke buzëqeshur, ta duronte.

Veçse tek bluante imtësisht  
mendimin për kolegun plot nderime,  
kur e takoi, i foli gabimisht:  
— T'uroj nga zemra... ngushëllime!

PAS DIPLOMËS

Shkollën e mbarova,  
dola sot në jetë,  
mjajt' u torturova  
libra, ditë e netë...

S'kam aspak nevojë  
t'ju shfetoj, oh, kurrë,  
se lexoj diplomën  
dhe fitoj kulturë...

## NOTË PËR CA NOTAM

— Të mahni kënga ime?  
Shtatë notë, vetëm shtatë,  
por sa ndjenja; frymëzime  
që shpërthejnë në kantatë...  
— Kënga jote s'është pa vlerë,  
titullin të gjithë ta dinë...  
E dëgjova njëqind herë,  
por s'e mbaj mend melodinë...

## KUR MUNGON NJERIU

— Ah, kjo piktura m'i shteroi fuqitë,  
më lodhi mjaft, për ideal,  
i pasqyrova krejt makineritë  
me hollësi, në çdo detal.  
Mos u nxito, gjyko gjakftohëtishtë,  
e pjekur le të jetë analiza,  
shprehu lirisht e folmë sinqerisht.

— Urime, më pëlqeu... kornizal.



## EPITAF

«Në këtë varr prehet i qetë  
ai që nuk pushoi një jetë:  
shkroi me vullnet për çdo drejtor  
raporte dhe fjalime,  
ka mbetur i kënaqur çdo epror,  
se pati për të gjithë frymëzime...»

Na u specializua ai kaq shumë,  
sa i shikonte edhe në gjumë  
fletët e nxira me durim,  
që po vërshonin porsì lumë,  
la shkruar dhe për vete një fjalim  
me shpresë t'ia lexonin në varrim!»

## PËR... KTHIM

— Kam përkthyer dy vëllime,  
po habitem edhe vetë,  
lapsi në fletoren time  
ecën shpejt si një raketë...

— Vrulli yt nuk ka të sharë,  
dorëshkrimet mbaji mirë,  
se dikush mund të t'i marrë  
tok me çajin për t'i... pirë!

## RECETË REGJISORIALE


— Për të nxjerrë një premierë,  
besa, u lodha pa masë,  
çdo aktori këtë herë  
i mësova si të flasë...

— Personazhet ishin dhjetë,  
por veç një për spektatorin...  
Që të dhjetë, me recetë,  
imitonin regjisorin...

## KOPERTINE

— Sivjet, më the, romane ke nja tre...  
Asgjë s'kam kundër planit,  
vetëm diçka vë re:  
çdo vit i ndërrohet titulli romanit...





## JASTËKU

Ikin ditë, ikin vite,  
po shkon shekulli revan,  
ti u lodhe, u kapite  
duke shpallur ç'ke në plan...

Dhe shikon ëndrra madhore,  
por studime s'bën aspak.  
Vë jastëk «gradën shkencore»,  
për të fjetur pa merak.

## V. Binjakët

### FTESE NËN SHI


— Lart në qiell mblidhen retë,  
ju mendojmë për çdo ditë,  
mos harroni se në jetë  
garancia e vërtetë  
jemi ne superfuqitë...  
Ejani nën çadrën tonë,  
jemi miq dhe jemi shokë...

— ...Që të lagemi gjithmonë  
këmbë e kokë?

## KUR SHITEN PARIMET

*Revizionistët sovjetikë dhe vasalët  
e tyre i kanë shtrirë dorën kapita-  
lit të huaj.*

— Bankat tona venë mbarë  
me stërlina dhe dollarë,  
me kredi lëviz dhe mali,  
në Amerikë shkon Urali,  
përtej Rinit Kaukazi,  
mbushet qesja, shtohet gazi...



Fryhen xhepat nga fitimet,  
se lëvizim shpejt parimet,  
që i kemi elastike,  
natyrisht, mjaft specifike,  
shkathtësi në politikë,  
se nuk jemi dogmatikë...

Presim me hare trustmanë  
që na sulen nga çdo anë,  
kur zbardh dita, kur zbret nata,  
me oferta dhe kontrata...  
Ne i çmojmë kurdoherë  
si një kapital me vlerë...

Jo i Marksit «Kapitali»,  
por fitimi...

Ideali

që na frymëzon në jetë  
është brenda në... kuletë.  
Veç të shkojë pazari mbarë,  
pa durojmë çdo të sharë...

Po kërkoj Uashingtoni,  
me qira japim ç'të doni,  
dhe kodrat e Turkmenisë,  
dhe pyjet e Siberisë...  
Kush gënjen i rëntë rrufeja:  
shesim dhe tokat e reja...

— Ju besojmë pa u betuar,  
mos u lodhni me betimet,  
ju tregtinë keni filluar  
qëkurse shitët parimet!

## MINUTA FATKEQE

*Presidenti Regan pagoi 75 mijë dollarë, për të ndërprerë 60 sekonda një film televiziv për t'u folur shikuesve gjatë fushatës elektorale.*

Ishte një film i tmerrshëm me gangsterë,  
dikush hidhte një grua në humnerë,  
ankthi në kulm i ngritur,  
por pikërisht në këtë çast, papritur,  
filmi u pre dhe doli në ekran  
aktori i njohur pehlivan  
Ronald Regan:

— Të dashur telespektatorë,  
më falni se kam gjetur këtë orë  
që t'ju premtoj parajsën e vërtetë,  
si president të kem edhe ca jetë,  
ta zhduk papunësinë  
me inflacionin dhe pabarazinë!  
Republikan me nam jam, goxha burrë,  
fjalën e mbaj në gjuhë, nuk e ha kurrë...

O

Për një minutë ç'humbën oratorët?  
Miliarda do paguajnë spektatorët...

## GRUSHTI...

Brohoriste Amerika  
dhe e njihte bota mbarë,  
ai s'dinte ç'është frika,  
grushti i tij grinte dollarë...



Trusti «Bruklin» e kish blerë  
(i bleu muskujt me kontratë),  
emrin «Bruklin» kurdoherë  
ta përhapte ditë e natë...

Fjalën «Bruklin» ta shënonte  
mbi këmishë, mbi xhaketë,  
mbi kapelë, pantallona  
edhe ku e dinte vetë...

Në ekran e faqe shtypi  
të bërtiste që pa gdhirë:  
«Vetëm «Bruklin» të përtypni,  
çamçakëzin më të mirë!

Nxjerr nokaut kundërshtarët;  
se përtyp, dimër e verë,  
vetëm «Bruklin», më shkon mbarë,  
çamçakëzi më me vlerë!»

Veç një ditë prapa mbeti,  
doli, befaz, jashtë luftimit,  
në spital/erdhi në vete:  
ish fillimi i mbarimit...

Grushtin lart dikur e ngrinte,  
tok me forcën fama shteri...  
Pranë urës «Bruklin» rrinte  
dhe po lypte ish-boksieri...  
Para tij kaloi i lumtur  
një kampion i ri me famë,  
që për çamçakëzin «Bruklin»  
përsëri bënte reklamë...

Nuk i hodhi as vështrimin  
kundërshtarit të dërrmuar,  
por i foli ky i fundit:  
— Mos u fry dhe merre shtruar...

Edhe ti do vish më vonë  
që të lypësh te kjo urë...  
Pas të ndjek grushti i padronit,  
s'ke për të shpëtuar kurrë!

## VITI I RI NË AMERIKE...

Viti i Ri me thesin erdhi në mesnatë,  
një gangster, papritur, s'e bëri të gjatë,  
ia rrëmbeu thesin, iku n'errësirë,  
Viti i Ri ia priti: — Ke qëlluar mirë,  
se peshqeshin more për krejt Amerikën;  
kriza do të dalë kur t'ia zgjedhësh grykën...

## ...DHE NË BS REVIZIONIST

Rrugëve kalojnë disa huliganë,  
dhe po pinë vodkë, marrin marihuanë...  
Ca studentë të dehur, në mes profesori,  
Viti i Ri vë notën: «Lumi që i mori!»

Duken ca të tjerë, ngjajnë si fetarë,  
kryqin nën këmishë, që t'u shkojë mbarë...  
Qejf, o qejf që bëjnë, hej medet ç'i gjeti  
«socializmi» i tyre: Krishti e Muhameti!



## PREMTIME PRESIDENCIALE

Statuja e Lirisë rri, menduar  
se tjera vite do të ikin paskëtaj,  
por kriza s'ka ndër mend për t'u larguar,  
se e ndien veten në shtëpi të saj...  
Kush nuk e do, mund që të flasë  
se mbyll fabrika dhe ndërmarrje mbyll,  
ajo po konkurron yjet e kinemasë,  
më populllore n'Amerikë se çdo yll...

Po shtohen ethet, jepen plot premtime,  
vazhdojnë përgatitjet në çdo front,  
dhe duket, me shantazhe e kërcënime,  
një president i ri në horizont.  
Si zakonisht, pëllumba mban në duar,  
por nën xhaketë bomba ai mban...  
S'ka rëndësi se emrin ka ndryshuar  
nga Xhimi Karter në Ronald Regan...

S'ka të papunë dhe po ulen çmimet  
në ëndërr, ç'mrekulli!  
Po nesër, kushedi, mbahen premtimet  
dhe, ndoshta, zhduken veg... në teori...  
Një vend çudirash Amerika,  
këtu çdo ditë thyhet një rekord  
kush natën ha më shumë thika,  
më shpesh kush flaket nga uzinat «Ford»...

## «...E BUKURA (AMERIKË!)»<sup>1)</sup>

Moj Amerikë, «e bukura Amerikë»,  
xhandar që përtej detit,  
mban mes dafinave një thikë  
përzemërsisht t'ia ngulësh krejt planetit...  
Daj Samit fort i dhimbset njerëzimi,  
ndaj bombat shton të lulëzojë planeti,  
të përparojë qytetërimi,  
të jenë të qetë toka, qielli, deti...

Moj Amerikë, «e bukura Amerikë»,  
modeli i «demokracisë»,  
me dy parti dhe dy milionë kamxhikë  
bekuar nga Statuja e Lirisë...  
Për ty thur aventura Pentagoni,  
të duan bosët dhe spiunët,  
por ç'tu vardisën kriza, inflacioni,  
ç'faj ke se vrasin veten të papunët?

Moj Amerikë, «e bukura Amerikë»,  
e Jugut, e Veriut,  
prej teorisë hidhesh në praktikë  
e nëpërkëmb «Të drejtat e njeriut»...  
Rekorde na vendoske me «lirinë»,  
të çmojnë Uoll-Striti dhe trustmëni,  
kush s'ta kupton ty drejtësinë,  
sqarohet shpejt nga Ku Kluks Klani...

1) Është titulli i një kënge amerikane, që ekzekutohet në Shtëpinë e Bardhë kur priten personalitete.

Moj Amerikë, «e bukura Amerikë»,  
parajsa ideale,  
që ëndrrat i servir me narkotikë  
dhe barazinë me ligjet raciale...  
Ke një Shtëpi të Bardhë si katrani,  
një president që nuk premtton në erë,  
se demokrati dhe republikani  
e hanë fjalën që të dy përherë...

Moj Amerikë, «e bukura Amerikë»,  
me siguri prej varri,  
ku çdo gangster vepron pa frikë,  
se rojë bën polici dhe dollari...  
Ti emrin lart e ngre në botë  
kur i shfaros zezakët pa mëshirë,  
tregon, plot njerzillëk, se ç'do të thotë  
«botë e lirë»...


Moj Amerikë, «e bukura Amerikë»,  
ndërhyn nëse të preket ty kufiri,  
përtej në Azi, Evropë dhe Afrikë  
dhe rritet vazhdimisht zinxhiri...  
Duke menduar botën, s'paske gjumë,  
dashke të lumturohet krejt planeti,  
ndaj CIA derdh agjentë, pare lumë  
që juntat të shpërthejnë grushte shteti...

Moj Amerikë, ku e paske bukurinë?!  
Kolombi ty dikur të ka zbuluar,  
tanimë ti zbulon çdo ditë shëmtinë;  
fytyrën tënde të «qytetëruar»...

## KLIMË DËSHTIMESH

Dëbora e mbuloi Rusinë,  
por s'i mbulon dështimet në çdo plan,  
si ngushëllim një car e ngre dollinë  
për një sukses-rrufe n'Afganistan...

**Luftën rrufe e ëndërroi Hitleri,**  
dhe me tërbim sulmoi, por më kot,  
me stilin që i la trofe i ndjeri  
shpreson një Car që fat të ketë sot...





Kabuli le të mbetet si i shkretë,  
të marrë masa një Babrak Karmal,  
dhe ambasada ruse le të jetë  
si një fortifikatë atje në mal...

Ekspertët ëndërrojnë plot fitore,  
të tjerë trima do të vijnë përsëri  
se u pëlqeka fort klima malore,  
por dhe një qese najlon me hi...

## SHVEJKU «FESTON»... PËRVJETORIN

*...e agresionit të Traktatit të  
Varshavës kundër Çekosllovakisë,*

Shvejku paska festë:  
— Erdhi përvjetori,  
erdhën karnavalet  
dhe... okupatori!

«Miqhtë» që janë shfaqur  
sollën plot fitore,  
jemi të kënaqur  
porsi... në thertore.  
Hitlerianët derdhën  
gjak e krime shumë,  
të «Traktatit» erdhën  
e na ranë në gjumë...

Plot sukses marshuan:  
jemi krejt të «lirë»,  
mbajmë, kur të duam,  
pranga dhe zinxhirë...

Jemi të «pavarur»,  
jemi të «gëzuar»,  
me sovranitetin  
pak të kufizuar,

me sovranitetin  
copë dhe thërrime,  
se ai sot mbeti  
vetëm ndër fjalime...

## BEKIMET E VATIKANIT

Nëpër shekuj si demoni,  
varur kryqin si këmborë,  
dha bekim inkuizicioni  
për sa mbretër, perandorë.

Stivë-stivë ndezur drutë,  
fryu zjarrin e bekuar,  
që t'i mbushen botës trutë  
se kush digjet, ka gabuar...

Veç Xhordano<sup>1)</sup> në torturë  
si pishtar u ngrit përjetë,  
nuk i ktheu bindjet kurrë,  
priti flakët aq i qetë!

...Dhe bekoi Vatikani  
Duçen e Hitlerin bashkë,  
e pastaj për kasaphanën  
derdhi lotë, vuri maskë...

---

1) shkencëtari Xhordano Bruno.



Bekoi bombën atomike  
të pëlçasë sa më parë,  
bekoi armët strategjike  
për ca rubla dhe dollarë...  
Kriminelët e tradhtarët  
i bekon i mallëngjyer,  
mik për kokë me barbarët,  
kryqi i tij si Kryqi i Thyer...<sup>1)</sup>

---

1) simboli i nazizmit



## NJË LIBËR I RRALLË

Në art, nga teoria dhe praktika  
çudira shumë paska Amerika...

Një libër plot me dyqind fletë  
pa germa krejt, ku çdo njeri  
si mund t'i teket vetë  
shënon një histori...

Edhe kur je analfabet,  
mos e prish gjakun kurrë,  
ta mbash librin nën sqetull ka lezet,  
se rrugës bën figurë...

U lodhën mjaft për këtë fabrikim,  
por rëndësi ka, pa dyshim,  
jo realiteti,  
vetëm marifeti...

Dyzetë dollarë i ka hak,  
me tërë atë kulturë,  
se libri paska një kapak  
të fortë, flake pa merak,  
nuk priset kurrë...

## ZINXHIRI I TRADHTISE

### 1.

Hrushovin, pa bujë, e hipën në fron  
dhe duart fërkoi Perëndimi.  
se koka e ndritur tani po sundon,  
pas tij butësia, pendimi...

«Shkëlqen madhështor si ylberi në stepë,  
gëzohu për birin, o nënë!»  
(«Heroi i shkathët që llomka na jep,  
dikur majmës derrash ka qenë...»)

...U ngritën kufomat e ndezën qiri  
dhe Trocki u ngrit, Buharini.  
Tërbimi i bardhë sulmon përsëri,  
mëkat se mungon Rasputini...

Vërshuan zagarët pas tyre, në llum,  
po zhgërryhej tradhtia me fletë,  
se shpifjet u ngritën gjer në presidium,  
kur behu Kongresi i Njëzetë...

Një «shok sekretar» më i mirë nuk ka,  
ky qenka person ideali.  
Fituam ç'ka humbëm, s'i thonë shaka,  
plot shpresa buzëqesh kapitali.

Po rritet armata: «Na prij, o Hrushov!»,  
të bardhët nuk janë të pakët,  
vërsulen nga janë dhe s'janë, me hov  
pas tyre po rendin kulakët...

2.

Po skuqet, po zverdhet, përdridhet në fron  
se fjalët i duken shigjeta,  
në Mbledhjen e Moskës diçka belbëzon,  
sa fort e tmerron e vërteta!  
Vërshojnë akuzat, a bie tërmet,  
stuhia po fryn n'atë sallë?  
Nikita, veshulur, me vete po flet  
dhe mendja i sillet vërdallë...

Vërsulen vasalët ta mbrojnë... Më kot  
përpiqen me zellin e frikës,  
padroni i tyre nuk mbahet më dot,  
tërbohët përpara logjikës.  
Ashtu i mbërthyer gozhdohet në vend,  
me mjegull në sy e në kokë,  
intriga, komplete të reja ndër mend  
dhe maska i bie përtokë...

Parajsën çdo ditë i qeshur premton,  
por lumi premtimet i mori,  
se tretën si fjalët me okë, me ton,  
me poza prestidigjiatori...  
Plot duartrokitje dhe... flluska në fund,  
dështimet vërshojnë si lumë,  
se fjalët me veprat nuk puqen kurkund,  
sukseset i zë veç në gjumë...



### 3.

Kuadrot i zgjodhi me shumë kujdes,  
mes tyre kolltukët i ndanë,  
rërmbyen pushtetin, e futën në thes  
dhe kryqet afruan më pranë.

Beko, perëndi, një epokë që ngjall  
ata që Tetori përmbysi,  
fundrrina nga varri ngre në pedestal,  
e merr kapitali yryshin...

Beko, perëndi, burokratin padron,  
beko paqësoret mëngjese,  
se nuk do të ketë më revolucion,  
por majmje të kastës borgjeze...

Nuk ka rëndësi nëse quhen Hrushov,  
në fshehin pas frazash qëllimet,  
Brezhnjev, Andropov, Çernienkov, Gorbaçov;  
të njëjtat po mbeten parimet...

### 4.

E bindur suita ka mbetur në KNER,  
besnike këndon melodinë...  
Një shkop dirigjenti drejton dhe u merr  
lëkurën, ta ngopë Rusinë...  
Po grinden, shqelmohen dhe grinden ata,  
se kjo dashuri i mban pranë,  
po ngriti një vetull, shamatë më s'ka  
dhe sus e vështrojnë ustanë...

Kur, befas, dëgjohet një zë që rënkon;  
mjerisht, po cenon harmoninë,  
por shpejt ngrihet shkopi, padroni gjëmon  
dhe miqtë kujtojnë «dashurinë»...  
Aty janë topat dhe tanket e zinj  
për «mbrojtje» dhe «ndihmë» bujare...  
Kush bluan në mendje diçka kundër tij,  
s qarohet mos flasë më fare...

Çdo car, pas Hrushovit — gjeni e profet,  
vetëshpallet sa hipën në fron...  
Të gjithë ata kanë veç një të metë:  
secili Tëtorin harron...

Handwritten text, likely bleed-through from the reverse side of the page. The text is mirrored and difficult to decipher.

Handwritten text, likely bleed-through from the reverse side of the page. The text is mirrored and difficult to decipher.



## PËRMBAJTJA

### 1. Na falni për këto mungesa

Përgjigje e lehtë .....	3
Rreth «izolimit» .....	4
Rritur ndër rrebeshe .....	5
Vajt看 në largësi .....	7
Kujdes mbretëror... ..	11
Përgjigja e ish-çirakut .....	12
Qani, o merhumë... ..	13
Lutja e ballistëve .....	14
Zanati... ..	15
Dhurata e papës... ..	16

### 2. Masa operative

Kontrolli i çantës... ..	18
Porosi eprore... ..	20
«Më» dhe «na»... ..	21
Një koleksion i padëshiruar... ..	22
Formalisti .....	23
Diskutime për kursime... ..	24
Teorikisht .....	25
Më fal, të lutem... ..	26
Cilësi .....	27
Një plan veprimtarish .....	28
Masa operative... ..	29
Euforiku .....	30

### 3. Tipa dhe karaktere

Një vartës i guximshëm... ..	31
Shpërblim .....	32
Do të piqet kur të rritet... ..	33
Filozofia e servilit... ..	35

Me këto fjalë që po flet...	36
Fjalëshumi...	37
Djali i mamasë	38
«Te më snikoni në luftë!»	39
Kur del pija...	40
Ata dhe ti...	41
Raport për dasmë	42
Në krye të detyrës	43
«Tifozi»	44
Pyetje një të paafti	45

#### 4. Dhjetë dhe katër

Një dasmë e paharruar	46
Dhjetë dhe katër	48
Kur njohja është «rufe»...	49
Nenet e rregullores shtëpiake	52
Urime...	53
Nuk je supersticioz...	55
Ndërhyrje origjinale	56
Nuk e pashë nusen...	57
Frymëzimi i një të «paemri»	58
Kur flet zemra...	59
Pas diplomës	60
Notë për ca nota...	61
Kur mungon njeriu	62
Epitaf	63
Për... kthim	64
Recetë regjisoriale	65
Kopertinë	66
Jastëku	67

#### 5. Binjakët

Ftesë nën shi	68
Kur shiten parimet	69
Minuta: fatkeqe	71
Grushti...	72
Viti i Ri në Amerikë...	74
... dhe në BS revizionist	74
Premtime presidenciale	75
«.. E bukura Amerikë!»	76
Klimë dështimesh	78
Shvejku «feston»... përvjetorin	80
Bekimet e Vatikanit	81
Një libër i rrallë	83
Zinxhiri i tradhtisë	84



Bubani, D.

Pa doreza... Poezi satirike.

[Red.: F. Malo]. T., «Naim Fra-  
Shëri», 1986.

92 f. me il.

(B.m.) dhe

(B.v.) : 891.983-1

+891.983-7

B 88

Tirazhi 2000 kopje      Formati 49x78/16      Stash: 2204-82

KOMBINATI POLIGRAFIK — Shtypshkronja e Re  
Tiranë 1986